



# Լևոն Խեչոյան

## Հայրիկին այցելելիս

Ասում են, թե երբ շիրիմների վրա խոտը եւ ծաղիկը կանաչ են ու խիտ, դա արցունքներից է: Հայրիկի գերեզմանաքմբի վրա եւ կանաչն էր առատ, եւ փուշը: Թիթեղյա ծաղկեպսակը, որ միակն է նրա գլխավերեւում, անընդհատ ժնգժնգում է քանուց, համենայնդեպս, ինձ այդպես է թվում: Գուցե նրանից է, որ նվիրողը շատ էր հարուստ, կին էր, շատ հեռվից էր եկել, փոսը դրած դագաղի վրա մի բուռ հող լցնելուց հետո, դարձյալ շատ հեռուն գնաց:

Երբ ծունկ չոքած խունկ էի ծխում հայրիկի շիրմաքմբի վրա, գերեզմանոցի պահակատան դուռը բացվեց, եւ կորամեջք Սարգիս քեռին եկավ: Ատամները շուրջ տարին սեւ ու կանաչ են դեղաբույսեր ուտել լուց եւ հալածական թափառականի տառապանք են վերագրում նրան: Ինձ, ամեն անգամ, գերեզմանոց այցելելուց հետո, հայրիկի շիրմա քմբի վրա ավելանում են փշերը, կակաչները պոկոտում են թաքուն, որ պահակատան լուսամուտից դիտող Սարգիս քեռին չնկատի, խոթում են ծոցս՝ վերնաշապիկիս տակ, որ հետո մի հարմար տեղ նետեն: Կակաչները ցանել էր մայրիկը եւ ամեն օր այցելում էր գերեզմանատուն՝ օրեցօր բացվող կակաչների հետ խոսելու: Նա աս ում էր, թե ամեն մի նոր բացվող կակաչ մի նոր խոսք է, հայրիկից եկած, թե այս բոլոր կակաչները նրանից եկած հեքիաթներ են:

Սարգիս քեռին կանգնել էր իմ գլխավերեւում, եւ նրա տեսքն այս շաբաթ ավելի էր տագնապած ու սմբած: Նա տառապում էր մարմնի ինչ-որ մահաբեր հիվանդությունից եւ հավատացել էր խորհուրդ ներին, թե օրական չորս-հինգ անգամ կակաչի ցողուն ուտելը կառողջացնի նի իրեն: Ինձ ասում է. «Քո այստեղ

գալուց հետո փշերը շատանում են, կակաչները՝ պակասում»: